

營建日記
八

廿九

73
5101
8



自丁卯九月至三月

營建日記八

[Faded handwritten text, likely bleed-through from the reverse side of the page]

7條8
5101
卷9-8

十三日

本營造西料銀一千三百兩

各造工五一千八百六十二名

有坊八去山乳料木

毛制製會對立球蓋以木球立洋球之北亦去膠西

十二日

本營造西料銀六百兩

各造工五一千八百六十名

軍亦以五公自是日為始

五造工五一千八百六十名

景福宮營建日記

丁卯九月

初一日陰灑雨

傳曰景福宮役所工匠令營建都監乾槁饋

本都監啓曰工匠乾槁饋事 命下矣工匠二千四十一

名每名錢一錢擔募軍五千四百九十五名每名錢五分

式合錢四百七十八兩八錢五分七給事 傳曰知道

思政殿懸板墨質金字

鄭道傳文曰天下之理思則得之不思則失之蓋人君

以一身據崇高之位萬人之衆有智愚賢不肖之混萬



事之繁有是非利害之雜為人君者苟不深思而細察之則何以別事之當否而區處之人之賢否而進退之自古人君孰不欲尊榮而惡危殆哉親近匪人為謀不臧以至禍敗者良由不思耳詩曰豈不爾思室是遠爾孔子曰未之思也夫何遠之有書曰思曰睿亡作聖思之於人其用至矣而是殿也每朝視事於此萬幾存臻皆稟 殿下降勅指揮尤不可不之思也 臣請名之曰思政殿

延生殿慶成殿懸板

鄭道傳文曰天地之於萬物生之以春成之以秋聖人

之於萬民生之以仁制之以義故聖人代天理物其政令施為一本乎天地之運也東小寢曰延生西小寢曰慶成以見 殿下法天地之生成以明其政令也

移文戶曹去夏三朔本都監都廳及各房所用物種後錄茲以文移依此會減事

各色工匠擔募軍已見草記

本都監所捧錢一千九百兩

永同伴朴升壽三百兩○新溪伴閔成鎬五百兩○泮人

等六百兩○前主簿曹鎮九門中錢五百兩

初二日晴

丙寅二月十九日卯時序親府始役是日成又其西儀賓
府司諫院接連俱成合三百五十五間間架制度詳見

天漢殿開基丙寅三月二十四日辰時 定礎六月初八

日卯時先東五柱六月二十四日卯時先上樑八月二十

五日未時

敬近堂開基日時與天漢殿同 定礎四月初七日卯時

先東五柱五月二十九日寅時 上樑六月十六日卯

時

殿虛堂門額李南軒書之敬觀堂內有

以山註書云于是日成

右世一室四字題板 當于親筆

三下

天漢殿上樑文

伏以測土圭而駕虹梁營之經始摹天日而象雲漢念茲
 名言 千秋有辭萬世不拔恭惟 哲宗大王居尊履正
 之位積厚流長之姿 軫獵奉迎漢宣帝之慈仁節儉稼
 穡舊勞殷高宗之嘉靖和雍 仙寢舉防榭灤遷之儀金
 粟珠龍太廟藏祖功世獻之典玉管朱弦 服 慈訓於
 四條正心修身本太學發庭策於三政祈天永命誠小民
 永念十四載至治實惟萬幾上親總 聰明以臨齊莊
 以敬為人君止於仁財成之道輔相之宜與天地合其德
 大猷方升於隆古國家自此太平真遊遽促於中遂臣

初二日晴

丙寅二月十九日卯時序親府始役是日成又其西儀賓
府司諫院接連俱成合三百五十五間間架制度詳見

天漢殿開基丙寅三月二十四日辰時 定礎六月初八

日卯時先東五柱六月二十四日卯時先上樑八月二十

五日未時

敬近堂開基日時與天漢殿同 定礎四月初七日卯時

先東五柱五月二十九日寅時 上樑六月十六日卯

時

天漢殿上樑文

伏以測土圭而駕虹梁營之經始摹天日而象雲漢念茲
名言 千秋有辭萬世不拔恭惟 哲宗大王居尊履正
之位積厚流長之姿 軫獵奉迎漢宣帝之慈仁節儉稼
穡舊勞殷高宗之嘉靖和雍 仙寢舉防耐灤遷之儀金
粟珠龍太廟藏祖功世獻之典玉管朱弦 服 慈訓於
四條正心修身本太學發庭策於三政祈天永命誠小民
永念十四載至治實惟萬幾上親總 聰明以臨齊莊
以敬為人君止於仁財成之道輔相之宜與天地合其德
大猷方針於隆古國家自此太平真遊遽促於中遂臣

民於戲不忘倚我 主上殿下光纘丕緒救圖前休一縟
儀摩裡簡吉辰而薦巔于豆徽補象德稽悖典而檢芝其
面 顧今編制三年之餘幸觀寶帳四本之奉 七分三
昧羣情愈切於羹牆八彩重瞳威顏不違於咫尺 邦禮
重像生之義在宥則宙合樓安安神理仰陟降之靈有時
宇璿源殿增建 曷以畫隆報之道特為此新構之基
曷言宗正置衙即我璿英開府 移合寶閣丹譜尊丁奉
有宸章琬琰在序 載按薦收之令節寔命般倭而興工
翥驚翔而嚮朱明制之所加者禮也 疏龍首而抗碧落
地有餘裕而綽然 瞻依則月遊衣冠尊奉則天垂奎壁

愀然復見蔽冕繪繡之常如臨倬彼昭回典語渾灝之
所由發 雖梧雲之寢邈尚花欄之可攀 茲將完美之
功恭陳蔓碩之頌 兕卽偉拋樑東瑞旭初升苑東 長
有百靈衛護無疆萬歲吾東 拋樑西景福宮城在西
金爵觚稜對峙筮龜協吉東西 拋樑南於山乃見終南
堯天舜日咸戴玉斗珠衡西南 拋樑北屹々叅天嶽
北 黼座肅然孔安衆星環拱辰北 拋樑上文几華茵
殿上 何處帝鄉白雲洋洋々如在其上 拋樑下朔望祠
官拜下 大德如天覆燾伊令協洽于下 伏願上樑之
後霞堦永鞏寶御恒寧 簾幃靚深仰容衛之於穆階此

脩潔宜灑掃之惟勤 有屹三十六楹上挹天閔斗極以
至千萬禩永奠磐石為山 上之三年丙寅八月二十五
日未時 輔國崇祿大夫判宗正卿府事知敦序府事李
穀榮撰 嘉義大夫宗正卿兼同知義禁府事李南執書
敬近堂上標文

伏以天垂宗正瑞耀銀潢之所發源日覲 先王耿光華
楫之所由設 顧名思義底法作堂 惟我國朝之特親
夙有宗府之初建 本支衍慶公子王孫班綴居尊大君
宗室 九族既睦放勛之峻德克明同姓大封漢家之舊
制復見 迺於質閣合設之後爰舉幘殿崇奉之儀 穆

乎黼宸之拱垂珠衡玉斗燦然奎華之炳朗日光雲章
簾陛邃嚴儼成壽寧堂故事丹府講肆厥有聞義室遺謨
前廡後楹縱動往年繕葺東廳西舍政合一新規模 來汝
都料執我給役 位置略倣乎殿閣尤有體貌別為基址
蓋仍乎府衙夫豈觀瞻為也 仰而定方中俯而取大壯
般繩輪墨各得宜下不煩民力上不費司農甫栢徠松可
勝用 所以經之勿亟居照告厥成功 繡棗接天漢之
傍宸墨煥敬近之扁 所當敬者儼存慙之誠陟降之
靈斯為近之肅瞻依之地拱趨之列 藻壁垂顯融之
象仰宋殿之質奎草木被昭回之光奉唐宗之飛白 啓

熙運於萬世之久制作不尚文華近景命於一元之初圖
卜允協休吉 茲擬二字之旨用助六偉之詞 兜郎偉
拋標東日射簾櫳萬縷紅 芳樹綠陰春似畫翻口賀燕
彩雲中 拋標西爽氣朝來挂笏低 躡彼公堂皆肅敬
凡周之士視楣題 拋標南簷前紫閣送晴嵐 渠口大
屋如天庇繡轂雕鞍相謁忝 拋標北華岳連天鎮化國
鍾得扶輿淑氣來五雲常帶蓬萊色 拋標上龍章日
表時瞻仰 小民趨事爭歌謠十百鼓馨聽大匠 拋標
下無疆寶籙我 宗社 詞臣日進螽麟章迎渭今年頌
壺化 伏願上標之後邦家泰平公族益熾 金扉敞闢瑞

霽常籠於緗簾璇楣交輝福宿長統於文几 左右密通
於戲 前王不忘悠久靈長啓我後人以正 撰書見天漢

殿

各色工匠一千八百五十名 搭募軍四千六百四十六名
自願軍四洞二百二十名

初三日晴

闕禮曹今此營建時機械與擔機所入木物數甚夥多前
次所取用盡無餘不可不趁今措備而 靖陵 宣陵兩
陵火巢內多有可合材木故檜木限三百介松木限四百
介所取次定差人下送到即無滯許所之意知委 本陵

事

各色工匠一千八百四十七名 擔募軍四千八百十二名

本都監所捧錢七百兩 祥原作任處尚五百兩 軍威作尹永錫二百兩

自願軍二洞一百四十八名

初四日晴

欽敬閣懸板

各色工匠一千六百三十二名 擔募軍四千七百三十二名

本都監所捧錢五百兩 昌城作韓用善所納

自願軍二洞一百五十名

初五日晴

閔茂山府即接明川府居民李益筍所訴則以為去年十月本府民人願納錢一千兩矣身擔當輸來趁不得搬路今年正月準數軍納受尺下送矣不意本府都監張順景為名漢乘脅矣身弟曰去年之所納尚今遲緩者是豈成說乎無數哄唱稱以輸錢時浮費條勒奪二百四十兩矣身其間上京全然不知張哥猶患不足楊言曰聞以願納錢上京興利不少云以若國錢都為汝之肥已乎本錢一千兩以鄉邊。上加違合為一千一百兩以舊債不報之樣搆誣呈營挺囚矣身弟於本邑星火杖督豈有如許冤枉之事乎當初以欺價之歸私領來付換無事了勘張

哥之後惡無比白晝搆誣使此蠢氓期於蕩敗伏乞明查
處分大抵莫重願納公錢輸納之際有何別利數千里遠
路數朔逢緩勢固然矣有何浮費之可論乎如此悖漢不
可尋常處之到即控因府獄嚴棍懲勵勒奪二百四十兩
嚴加懲捧出給李孟簡然後形止馳報

各色工匠一千五百二十八名 擔募軍四千四百七十六名

本都監所捧錢七百兩

興德伴朴元陽二百兩 ○ 安東
副司男柳膜榮五百兩

初六日陰夜雨

移來各役處石手治勤改殿石役石材則浮曹溪石用之
以其品好也○各殿堂幃子門及推窓并恭其箭在於殿

閣乃是創有之制也

各色工匠一千六百九十八名 擔募軍四千五百二名

本都監所捧錢一千兩

中和伴尹
致禧所納

初七日雨自昨日人定至是日開東水溪五分

修政殿資善堂俱懸板墨本金字○鑿井于司僕為其坤

方也

坤方即未申而乃是
子坐官之生旺方

○各役處有十日八 需記

各色工匠一千六百四十八名 擔募軍四千四百五十六名

本都監所捧錢二百兩

高山伴沈
文澤所納

初八日晴

開信川郡營建所用鐵物給價買取次別定監官李克英

下送而吹鐵所用火木以本郡陵洞坊居柳班秉淵海翼
私養山所在從時價散賣許所之意去春間已有所發閱
見今鐵物需用日耗浩多前次實取用盡無餘不可不趁
今實取然後可免良貝李完美更為下送鐵物質取火木
所取等節并依前開施行

各色工匠一千六百四名 擔募軍三千六百八十四名
本都監所捧錢九千五百兩

初九日晴夜灑雨

神武門內入直軍廳修葺

各色工匠一千四百六十四名 擔募軍三千七百九十三名

初十日晴

石手十牌

每牌二名

十日內能治鍊勤政殿欄干竹石十塊華

留李景夏每牌一兩或行下勸獎之○宣傳官廳柱初以

十尺立之而本廳例有懸椎古規柱若太高則必致傷人

故減其高七寸○各殿堂鋪方輓各殿庭修理自是日為

始

各色工匠一千六百三十一名 擔募軍三千九百二名

十一日晴

各色工匠一千五百六十三名 擔募軍三千八百四十五名

本都監所捧錢二千八百兩

前王簿書鎮九門中二千五百兩○德源俸違晉圭三百

丙

十二日晴

勤政殿上層改覆瓦畢賞蓋瓦匠二十兩

二十名

擔募軍十七

兩五十八名募軍九兩九錢

三十一名

蓋上層掛椽時慮其結色之

將壓低使椽末稍昂矣色果壓太低椽末則隨低而椽頭

起當處所覆之瓦舉盡開隙乃緣椽頭釘拔出之故也杜

宇之椽甚是體大雖以尺釘口之安得無騰拔之弊哉慶

會樓則慮有此患既著尺釘於椽頭又以曲釘累椽頭著

于宗樑萬無頭起之弊凡殿閣掛椽舉用此法好矣

各色工匠一千六百二十三名 擔募軍四千二百十三名

十三日晴

慶會樓懸板墨本金字

古河崙記云 殿下之十三年春二月景福宮提舉司以

其後殿西樓傾且危報議政府以聞 殿下驚歎曰景

福宮我 先考創業之初所建今遽若是歟遂幸而觀

之曰樓之傾地潤而基不固也乃命工曹判書臣子青

等曰農時向近宜役遊手者亟修之子青等度地移之

小西因其基稍廣其制而新之又慮其地潤環樓而池

焉既成矣乃幸而登臨之曰予欲仍舊而修身無乃過

於舊制乎子青等俯伏而對曰臣等恐後日又且傾危

故至如此於是召集親勳耆舊而與之為樂名樓曰慶會仍命臣河崙為記臣不敢以文拙辭臣嘗聞孔子對哀公之問曰為政在人蓋人君之政以得人為本得人然後可謂之慶會矣恭惟太祖康獻大王以聖文神武之德嘉靖一方天子賜國號朝鮮遂定都于華山之陽乃建宮室以勤政命殿且以名門其所以為有國之本者至矣令我殿下克肖其德續承丕緒事大益虔天子錫之誥命治教休明境內乂安今修一樓尚虛農時之近役以遊手者不日有成且以慶會名之蓋欲以清燕之暇引見羣臣之有道德而識治體者察納謨猷

講明道義以正出治之源尤以見殿下真知勤政之本矣臣竊論之慶會者君臣之相遇以德也有若乾之九五以其大德利見九二之大德志同氣合以行其道則羣賢類進而國家明昌所謂雲從龍風從虎者也若不以其德則羣邪類進而國家晦冥矣間有以德而進者用之不盡其才雜之以羣邪則亦於晦冥同歸矣稽之前古堯舜禹湯高宗文武之為治皋夔益伊傅呂周召之為輔則真可謂慶會矣若漢高之蕭曹唐宗之房魏宗祖之趙普亦可謂慶會然不純於德可能肩於三代哉至若武帝之公孫弘神宗之王安石亦可謂相遇

矣飾詐釣名之譏大姦似忠之誦尚不能免夫何有於
慶會哉又若玄宗之於宋璟張九齡真宗之於寇準亦
不可謂不相遇矣代之者林甫而雜之者欽若涇渭之
分薰蕕之辨尚不敢望况以慶會言之哉以是觀之則
君臣慶會從古以來實未易多見矣幸而千載一遇焉
則其樂為如何哉惟我 太祖既以勤政為有國之本
而治之矣 殿下又以慶會為勤政之本而懋之躬垂之
美繼述之善吁盛矣哉其能追三代之慶會致三代之
治效以貽謨於永世享景福於無疆者端可知矣若夫
山岳之奇秀園池之窈深冰雪生乎几案江湖接乎軒

墀松栢之蒼蔚花卉之敷榮風烟雲月朝暮陰晴之景
物在乎觀覽之間者不敢形容之悉矣第其樓之興復
有類於為國焉傾者以正危者以安保先業也築土以
密除潤以深固至基也棟樑柱石之欲其壯負重者不
可劣也構榑椳楔之取其備任小者不可大也敲軒楹
廣聰明也峻階梯嚴等威也下臨必悚存敬畏也遐瞻
不遺尚色荒也薦之相質人民悅也蠶之不止諺邪去
也繪畫不移制度文為之得中也觀遊以時文武弛張
之適宜也苟於升降之際有是思焉而以之施焉則樓
之益誠不少矣敢以此并記

尹淮詩曰

華山南畔漢水頭
虎踞龍盤天作區

神聖勃興定神都
龜筮協從符人謀

廟社既成次官室
窮殿西南管層樓

罷朝清謐為登臨
欲節勞逸非觀遊

吁嗟地
歲久歎

潤基不固
傾良可爰

我后闢之令堂構
爰命有司其往修

撤舊西移固崇
下鑿清池深四

周基

王曰勿亞民爭趨
渠二不日干斗牛

軒極敞豁簾陞尊
遐瞻不遺窮真披

告成新賜度會名
儲君題扁換銀鉤

俯瞰南江千丈深
天矯龍起雲油

偃首北
樞塞庠

岳為向高
嘯風聽

天底日麗薰風至
鬱二蔥二佳氣浮

華而不奢儉不
允矣

陋

龍顏移二正南面
秩二左右羅公侯

元首垂哉股肱起
都俞吁咈何優

壺梅啓沃濟川舟
同聲相應同氣求

有時命工歌鹿鳴
咒鮒其航旨酒柔

君臣燕
袞二旅

譽樂有儀
語皆大猷

臣鄰醉德拜稽首
載廣天保新千秋

明良相得架令
巨奐縱壑寧足

侍

微臣幸生太平世
極目仰攀長矣猶

願言居萬更思
永使萬姓均庇

危

闕海營磚石未納條去月念內畫數運納京江之意有所

闕飭矣即到回牒內問因夏潦尚此遲滯誠為味悶連加

嚴督星火裝載期於限內運納之意為辭故方在指日是

俟而過限已至一望尚無動靜是何委折見今 移御日

子漸近 勤改殿庭鋪排一時為急不容暫刻遲緩茲以

發闕到即別般董飭因夜運納京江

各色工匠一千六百三十一名 擔募軍四千一百九十七名

本都監所捧錢六百兩

豐基伴李沂在一百兩
康綱伴崔秉和五百兩

十四日晴

勤政殿御榻上及御間上懸龍各一隻賞工匠十二兩

二名小木匠五名雕刻
匠二名付金匠三名

各色工匠一千八百十八名 擔募軍四千三百十二名

本都監所捧錢一萬二百兩 蔚林伴趙胤顯一萬兩
雲峰伴任泰珩二百兩

十五日晴

石手六牌 每牌二名 九日內治鍊勤政殿欄干童子石六塊每

牌二兩式行下○臺上處所移于司僕

各色工匠一千六百九十五名 擔募軍四千三百二十一

本都監所捧錢二十兩

十六日雨

春間平壤石手金之玄物故給十兩矣至是其子為返葬

上來又給十兩凡工匠之身死者非止一二兩例為給錢

歸矣

各色工匠一千六百九十一名 擔募軍四千三百七十四名

本都監所捧錢五百兩 金提伴洪秉信所納

十七日兩自昨日巳時至是日開東水深二寸一分

闕算營及開城府令此營建時各殿堂與諸行閣丹腹之

役浩大匠人所用家猪毛數甚夥多京肆所在舉皆品劣

果難入用故平安道一百斤開城府三百斤茲以忝酌卜

定到節擇品上送事

各色工匠一千六百三十六名 擔募軍二千五百五十九名

十八日晴

行閣門扁額辨次懸之

各色工匠一千六百七十四名 擔募軍二千九百九十六名

本都監所捧錢一百兩 全泉 睿訪 鄭壽龍 一百兩 晉州 負商 金箕文 正鐵 三十斤 國成

負商 朴 玆 文 正 鐵 三十五斤

十九日晴

戶曹宣惠廳為相考事本都監需用次本曹區劃木五同
代錢五百兩本廳區劃木七同代錢七百兩輸送相考捧
上後回移

各色工匠一千七百八十五名 擔募軍四千二百三十四名

本都監所捧錢五千五百兩 密陽 安學 魯三千兩 曹鎮九 伴洪祐龍五百兩

門中錢 二千兩

二十日晴

開開城府麗王陵修築之役既已完奉付役木石手無遺
因夜領付之意閑飭已至多日尚無動靜是何委折另加
別般嚴飭星火控上勤政殿上庭所排品石刻役極為浩
大且係時急兩京在石刻手數本不敷萬無及期舉行之
路府內居生石刻手一二窮搜捉上俾完大役之地
各色工匠一千七百七十一名 擔募軍四千二百三十五名

本都監所捧錢一千五百兩

昆陽副司果 趙龍圭所納

二十一日晴

各色工匠一千七百八十三名 擔募軍四千一百六十五名

本都監所捧錢七千三百兩

金海伴洪正圭五百兩 伯李興敏三千兩 公忠道

等產七邑 存南朴永信等二百兩 江原中軍吳翰沐百兩

二十二日晴

各色工匠一千八百七名 擔募軍四千三百七十八名

本都監所捧錢六千六百五十兩

林川伴金九鉉五百兩 寧遠伴朴仁恭三百

兩 穩城氏 六千兩

二十三日晴

請受 旗手之數倍於初差時而逐日舉行當有酬勞其未

兼司僕者副局旗手十七名內十二名禁營十九名內十

五名御營十二名內九名提廳八名內四名皆令兼之

各色工匠一千七百四十二名 擔募軍四千二十七名

本都監所捧錢六千七百九十兩

寶城伴尹性善五百兩 密陽進士孫振九二千五

百兩 咸陽伴薛致肇一千兩 曹鎮九門中錢二千七百九十兩

二十四日晴

移文禮曹即接副局移文則以為營建所用木石輸運車

子造成所入槐木不可不趁今措備而他無所取處以

思陵局內所在限三株所取以移文該曹云係是緊急所

需故茲以文移一依下去營校擇執無滯許斫之意知委
本陵事

各色工匠一千三百八十一名 擔募軍四千一百九十二名

本都監所捧錢三百兩

韓山併尹稷儀所納

二十五日晴

本都監啓曰監造官李兢鎬遭故其代禁府都事李象一
差下事 傳曰允

寅時不顯堂定礎牌將僉知金箕錫行告祀所陳米太各

一石布木各五匹葉錢二十兩

各色工匠一千九百六十三名 擔募軍四千二百五十五名

本都監所捧一千兩

南平併全殿鎮所納

二十六日晴

移文戶曹宣惠廳見令秋涼漸高外邑工匠所著襦衣迨
此備給然後可免呼寒之歎而前次措備盡入於今春回
祿中不可不更加新備而所入木以戶忠廳所在分排取
用後價錢越送事奉承 大院位分付茲以文移到期以
本曹區劃木五同本廳區劃木七同必以升細尺長者極
擇輸送則價錢即當越送相考施行事

各色工匠一千七百六十六名 擔募軍四千一百九十八名

本都監所捧錢一萬九千兩

晉州民人一萬八千兩
平壤庶尹金善根一千兩

二十七日晴

勤政殿造 御榻 後設五峰屏榻上搆唐家十月二十
五日成木手雕刻匠各賞五十兩錢

禮曹為相考事令此營建時諸處行閣所入椽木數甚夥
多前次措備用盡無餘故 懿陵 孝昌墓火巢內所在
所取次別定牌將下送無滯許所之意知委事

各色工匠一千七百九十二名 擔募軍四千五十名

本都監所捧錢一千一百兩 畿伯李宜翼一千兩 陽川伴金秀煥一百兩

二十八日晴

本都監啓曰本都監事役方殷前同知韓文奎別看役加

差下使之舉行事 傳曰允

各色工匠一千八百十六名 擔募軍四千一百九十三名

本都監所捧錢六百兩 草溪伴安鶴善四百兩 犀山僉使李教承二百兩

二十九日晴

各色工匠一千八百三十八名 擔募軍四千二百五十八名

本都監所捧錢三百兩 山清伴李晚著所納

本都監啓曰九月朔本都監所捧願納錢為七萬八千七
百六十兩矣別成丹子一件以入事 傳曰知道

各色工匠合

擔募軍合

自願軍

十月

初一日晴

傳曰景福宮役所工匠令營建都監乾槁饋

本都監啓曰工匠乾槁饋事 命下矣工匠一千九百九十四名每名錢一錢擔募軍四千九百五十五名每名錢五分式合錢四百四十七兩一錢五分七給事傳曰知道傳曰營建都監役事尚未告竣移御更待下教當親臨勤政殿受賀矣該房知悉日子未月旬望間擇入

禮曹草記

親臨勤政殿頒教陳賀吉日今日官推擇則

來十一月初十日十六日俱吉云以何日舉行事傳曰十六日為之

又傳曰景福宮動駕時當陪奉 大王大妃殿矣該房知悉

禮曹草記 景福宮動駕日 大王大妃殿出宮時 殿下祇迎處所當為磨鍊矣祇迎處所以何處為之敢肅 傳曰出宮時松杞橋前路為之還宮時杞子橋前路為之傳曰來月十六日勤政殿受賀翌日還宮矣該房知悉傳曰景福宮動駕時當陪奉 大王大妃殿 大妃殿與中官殿同行矣該房知悉

以司謁口傳 下教曰各殿動駕節次並衛內磨鍊

傳曰各殿動駕時節次既以衛內磨鍊矣祇迎之節置之

以上四傳教皆初十日所下

傳曰來月十六日景福宮動駕時諸般舉行依時御所例

磨鍊 此傳教二十七日所下

各色工匠擔募軍見草記

本都監所捧錢一千兩 吉州併張斗衡西納

初二日晴

禮曹為相考事營建所用各樣椽木不足之由已悉於前
閱而 顯隆園局內所在中限三萬介所取次今方發閱

知委於水原府到即許所之意星火知委於 本園事

各色工匠一千八百十六名 擔募軍四千二百二十一名

本都監所捧錢一千五百兩 全州判官張風達一千兩金山前主簿曹鎮九五百兩

初三日陰夜雨

各色工匠一千九百三十九名 擔募軍四千一百九十八名

本都監所捧錢一萬六千兩 錦山併權用直一千兩寧遠民人一萬五千兩

初四日晴

閱載寧郡及新溪縣令此營建時各樣所用鐵物數甚夥
多給價質取次別定監官下送隨其所告另加申飭使之

專意質納事

各色工匠一千八百八十三名 擔募軍四千一百四十三名

初五日晴

各色工匠一千八百七十三名 擔募軍四千一百九十名

初六日晴

各色工匠一千八百二十名 擔募軍四千八十二名

本都監所捧錢四千五百兩

海伯朴承輝三千兩 ○ 樂安
伴柳冀仁五百兩 ○ 會寧伴

東在湖五百兩 ○ 綾州
牧使李喬采五百兩

初七日晴

各色工匠一千六百六十一名 擔募軍四千十一名

本都監所捧錢四萬三千一百兩

新昌伴崔升顯百兩 ○
包荃別將等四萬三千

兩

初八日晴

各色工匠一千八百六名 擔募軍四千五名

本都監所捧錢七千五百兩

昌原伴尹承夏一千兩 ○ 梁
山居金辰赫一千兩 ○ 本都

監書吏金學準等五千兩 ○
批禮伴金景商五百兩

初九日晴

勤政殿上下月臺鋪磚石上下四隅置雙法數石各一坐

或云幅吻見第
卷光化門

上下月臺為石欄至於步塔之左右則欄干

柱頭俱刻以法數蓋六處步塔

又名擎
支臺

合上下臺為十二

處而步塔違石之下垂龍頭及南步塔御間石之陽刻雙鳳

與四隅之雙法數則舊月臺之制而石欄乃新制也

南步塔為申欄下垂故欄有四層柱 第一層解能辨曲直之數 二層馬應

午三層杆南方七宿杆羊犴馬鹿蛇蚓 四層鳳應朱雀

東步塔以下皆層欄柱 第一層免應卯 二層龍像青龍

東扶步塔 第一層駱 二層蛟按東方七宿蛟龍胎光

孤虎豹

西步塔 第一層鷄應酉 二層虎應白虎

西扶步塔 第一層猿 二層狼按西方七宿狼狗雉鷄

烏猴猿

北步塔 第一鼠應子按北方七宿解牛蝠鼠燕猪偷

西行

二層龜按玄武殿庭鋪磚石豎品石二十四塊文武品各十二塊以

簡儀畫所毀

各色工匠一千七百五十一名 搭募軍三千九百八十八名

本都監所捧錢一千四百兩長馨作鄭基鎬二百兩○清

李景夏一千兩

初十日晴

閱北營即見明川府居朴采碧所訶則以為今此營建時其在臣民之道欲效寸忱乙丑十一月錢一千兩願納次八告本官同邑人金鳳郁處逢授上送矣今已三載恣意行販尚不上納以致營邑閱飭督責本名豈有如許無據

之事乎以是之故南徃北還之費已至千金此則尚矣勿
論遐鄉士民向上之微烟上不達於朝家揆以情地豈
不萬之冤枉且昨年願納次錢一百五十兩同邑人千明
甫處逢授上送矣中間幻弄亦不備納到處良貝未有若
此之甚也私力遠推其勢末由即為發閉巡管兩漢移因
吉州獄金鳳郁錢本違合一千六百兩千明甫錢本違及
馱價并二百兩嚴杖捧給以為超令願納之地云矣本違
所當一體懲捧係是公貨與私相債貸事體有異到即兩
漢移因吉州獄本錢刻期督捧事

各色工匠一千八百九十三名 擔募軍四千一百五十四名

本都監所捧錢四千七百十兩

前五簿曹鎮
九門中所納

十一日灑雨

各殿堂修理之役不容少緩以牌將各一人分掌之交恭
殿金漢弼慈慶殿朴孝煥萬慶殿姜慶勳興福殿崔完信
萬和堂鄭致弘

各色工匠一千八百八十三名 擔募軍三千七百三名

十二日晴

各色工匠一千七百九十二名 擔募軍三千七百六十一名

十三日朝雨晚晴

維和門木手違首李完吉以本門初二莫其五日內訖功

賞葉錢十兩○勤政殿欄干童子柱頭法獸石四塊石手
八名九日內治琢先成每名一兩賞之

各色工匠一千七百九十二名 擔募軍三千五百九十五名

本都監所捧錢二百兩 守山民人所納

十四日晴

興禮門二樓置午正鼓

各色工匠一千七百九十三名 擔募軍三千五百八十二名

本都監所捧錢一百兩 支河伴鄭基承所納

十五日朝雨晚晴

未時不顯堂上樑無上樑文所陳米太各一石布木各五

匹當百錢一兩獻官別看役前守門將金相友行告祀

各色工匠一千八百二十一 名 擔募軍三千七百九十名

本都監所捧錢一千兩 前奉金敬鎮五百兩○統制中軍床在濟三百兩○開城經歷金

漢鼎二百兩

十六日晴

大院位賞錢五百兩于勤政殿石手使之分給有等以至

三十爐冶匠 正強遠首十二名每名三兩八錢四分其次石手三十名每名三兩一錢五分其次二十

三名每名二兩一錢五分其次四百十七名每名七錢冶匠每爐四錢遠首二錢石刻手十四名每名四錢遠首二

各色工匠一千八百四十六名 擔募軍三千七百六十九名

十七日晴

各色工匠一千八百十七名 擔募軍三千七百六十四名

十八日兩自巳時至五更水深六分

各色工匠一千八百三十七名 擔募軍三千八百四十四名

本都監所捧錢一百兩

龍潭李敘 恒所納

十九日晴

大院位令本都監宰牛犒饋于勤政殿 石手石刻字工匠各

飯一碗羹一甌散炭一串

入錢三百十四兩七錢九分

各色工匠一千八百二十名 擔募軍三千九百十名

本都監所捧錢三百兩

永春伴朴奎東一百兩 沃溝伴具庚喜二百兩

二十日晴

各色工匠一千七百六十名 擔募軍三千八百二十名

本都監所捧二百兩

南陽監牧官朴 喜靖所納

二十一日晴

各色工匠一千八百三十三名 擔募軍三千五百七十名

本都監所捧錢五百兩

松木伴宋秉讚二百兩 報恩伴趙東淳三百兩

二十二日晴

閱海營前次質取鐵物盡用無餘各殿堂以下諸處行閣
修粧鐵物尚未措備即聞道內海州祿達面於乞坊三谷
坊花上等地多有鐵脉可合設店採取云故別定監官下

送到即許採如有中間沮戲作弊之漢各別禁斷以為斯速採取以納及時入用事

各色工匠一千八百七十名 擔募軍三千六百三十九名

二十三日晴

各色工匠一千八百三十七名 擔募軍三千四百七十五名

二十四日晴

各色工匠一千八百八十四名 擔募軍三千六百七十九名

本都監所捧錢五百兩

洪原伴趙鼎
煥所納

二十五日晴

各色工匠一千八百九十二名 擔募軍三千五百七十四名

二十六日晴

傳曰兵曹判書金壽鉉營建都監堂上差下

各色工匠一千七百九十八名 擔募軍三千三百九十九名

二十七日晴

各色工匠一千八百六名 擔募軍三千五百三十九名

本都監所捧錢五千五百兩

義州府尹尹滋承二千兩
靈山伴趙雲漢五百兩

二十八日夜雨

亥時設四海神象于四門口樓行告祀

以畫像帖于小櫃
內懸于宗樞面向

各隨其方小櫃設門亦如之是日
以設則每朔望守門將行祀

象設吉日

年丁卯火 月辛亥金 日丁未水 時辛亥金 地盤

丁奇到中宮 天盤丙奇到中宮 天甫吉星入中宮

建春門東海神 名阿明木神鳥身人面方面素服乘兩龍

告祀文 監祭別看役李海斗 獻作牌將李亮孫 祝史牌將萬民英

包涵東陬瀛渤之長 介麟咸若江漢隨宗 朝出聖日

典憲著明 玉闈青陽平秩東作 聲教訖四龍馭來格

賓于建春乃雷厥真 呵咎名和永衛禁闈 憑恃真

隲於萬斯年 神既妥矣香儀崇奉 物薄誠明庶幾式

饗

先化門南海神 名祝融大神數身人面乘兩龍

告祀文 監祭別看役金相友 獻官牌將池福祿 祝史牌將鄭應賢

包涵南陬澎澳之長 氣水趨下燐怪潛藏 夏現壽星

人民安寧 玉闈明堂平秩南訛 聲教訖四龍馭來戾

賓于先化乃雷厥真 呵咎名和永衛禁闈 憑恃真

隲於萬斯年 神既妥矣香儀崇奉 物薄誠明庶幾

式饗

迎秋門西海神 名巨乘金神人面虎爪白毛 執鉞左身有蛇乘兩龍

告祀文

包涵西陬瑤咸之長 豎亥把筭夸父棄杖 夕生聖月

田野稔穰 玉闈總章平秩西成 聲教訖四龍馭來廷

賓于迎秋乃審厥真 呵省台和永衛禁闈 憑特冥
隨於萬斯年 神既安矣香儀崇奉 物薄誠明庶幾式
饗

神武門北海神

名禺強水神人面鳥身黑身手足
兩青蛇踐兩青蛇乘兩龍

吉祀文

監祭別看殺補基駭
祝史牌將趙太亨

獻官牌將尹錫臣

色涵北陬冰漠之長

下環地球上幹天衡

冬候廩星

財寶阜盈

王闡玄堂平在朔易

聲教訖四龍馭乘服

賓于神武乃審厥真

呵省台和永衛禁闈

憑特冥

隨於萬斯年

神既安矣香儀崇奉

物薄誠明庶幾式

饗

各色工匠一千七百六十一名 擔募軍三千五百五十三名

二十九日雨自昨日三更至是日開東水深四分午後風

雪

日候卒寒土役皆停止

各色工匠一千五百十名 擔募軍一千六百七十四名

本都監所捧錢八百兩

歛谷件朴承顯一百兩
康津件李鍾緒七百兩

三十日晴

各色工匠一千八百八名 擔募軍三千五十名

本都監啓曰十月朔本都監所捧錢為八萬三千九百十

兩宗親府所捧璿沁人願納錢一萬一千六百六十二兩

矣別成母子二件以入事 傳曰知道

各色工匠合

擔募軍合

十一月

初一日晴

傳曰景福宮役所工匠令營建都監乾槁饋

本都監啓曰工匠乾槁饋事 命下矣工匠一千九百十

八名每名錢一錢 擔募軍三千八百九十九名每名錢五

分式合錢三百八十六兩七錢五分 給事 傳曰知道

傳曰法官殿閣與各司令既次第營建矣時原任大臣金

奉朝賀日間進去看審

金奉朝賀與根

傳曰明日原任大臣景福宮看審時宗正卿與政府諸堂

同為進

右傳教初五日所下

傳曰今十六日大王大妃殿 王大妃殿 大妃殿景福宮動

駕翌日還宮時祇迎當自內為之矣

右傳教十二日所下

傳曰十六日景福宮動駕當十八日還宮矣該房知悉

教十四日所下

各色工匠擔募軍見草記

本都監所捧錢二千三百兩

金成伴閔昌鎬三百兩 尚左兵使尹善應二千兩

初二日晴

各色工匠一千八百名 擔募軍三千二十四名

本都監所捧錢三百兩 同福伴金時錫所納

初三日晴

各色工匠一千七百三十五名 擔募軍三千二百九十一名

初四日晴

各色工匠一千六百四十名 擔募軍二千八百六十一名

本都監所捧錢二千一百兩 金海衛將裴東鐸二千兩 上王金使全時行一百兩

初五日晴

大院位以隆文隆武兩樓扁額亦宜分文武官書寫隆文樓以領閣金炳學書之隆武樓以訓將申觀浩書之是日

俱懸

鄭道傳文曰文以致治武以戡亂二者如人之有臂不可偏廢也蓋禮樂文物燦然可觀戎兵武備整然畢具至於用人文章道德之士果敢勇力之夫布列中外是皆隆文隆武之至庶見 殿下文武并用以臻長久之治焉

各色工匠一千八百四名 擔募軍二千七百六十七名

本都監所捧錢二千五百兩 前至簿書錄九門中錢一千兩 金山伴柳致閏五百兩

尚州伴鄭基永一千兩 內大錢六百六十七兩 小錢三百三十三兩

初六日晴

原任大臣金奉朝賀宗正卿政府諸堂上齊進看審

各色工匠一千七百四十四名 擔募軍二千七百二十六名

本都監所捧錢一千兩 順川伴吳者善所納

初七日晴

有各役所入 稟記

各色工匠一千九百三十三名 擔募軍二千七百五十六名

初八日晴

各色工匠一千六百七名 擔募軍二千八百二十九名

本都監所捧錢五千八十六兩 蔚山居朴容復五千兩長湍民人等八十六兩

初九日晴

各色工匠一千七百二十九名 擔募軍二千六百五名

初十日晴

各色工匠一千七百四十六名 擔募軍二千六百十七名

本都監所捧錢三百兩 義興伴尹永善所納

十一日晴

議政府草記賀儀在通卿庠侍從罷散人並叙用令該曹口傳付軍職使之叅班事 傳曰允被謫蒙放奪告身人一體付軍職與各品前啣未付軍職人同為入叅

吏曹草記在前頒赦時有別歲抄書入之例令審則何以為之事 傳曰書入点下者依例捧傳旨○差備內侍及

武監素直各殿堂自是日

各色工匠一千七百五十七名 擔募軍三千四百三十三名

十二日晴

傳曰頒教文中教句添入

各色工匠一千八百二十一 名 擔募軍二千五百三十三名

十三日晴

四門俱以守門將把守

各色工匠一千八百三十名 擔募軍二千五百二十五名

本都監所捧葉錢二千兩 海伯朴承輝所納

十四日朝雨晚晴

議政府草記闕門出入之各有分屬近例為然而景福宮移御後亦不可無一定之規承旨以迎秋門仕進百官先化門東西挾門文東武西出入各司入直官及掖庭以下許令從便為之事分付兵曹事 傳曰允○末石役所并移于門外各殿各門一禁雜人闕內始肅然矣是日黃昏起火放砲翌日又如之

各色工匠九百八十八名 擔募軍五百六十六名

本都監所捧錢二百兩 宣沙會使金鼎澳所納

十五日晴

傳曰明日陳賀時出還官門路以息政門為之

傳曰柑製再明日通方外為之試紙用大好紙勤政殿親臨磨鍊

以司謁口傳 下教曰勤政殿殿座勤政門開門時興禮門光化正門一體通開事著為定式

辰時 璿源殿定礎使牌將嘉義宋應弼行告祀所陳米太各二石布木各十匹錢一百兩其餘與他殿同

各色工匠九百六十七名 擔募軍六百八十六名 本都監所捧錢三千兩

安岳作南鍾益菜錢二千兩 華留李景夏一千兩

十六日晴

傳曰自今以後勤政殿上座時軒架樂陳設於勤政門樓

事分付定式

取西闕樂器修葺之置上層門樓

大殿出宮卯時 各殿俱以辰時 大殿 中官殿御交泰

殿 大王大妃殿御慈慶殿 王大妃殿御萬慶殿 大

妃殿御興福殿順和宮慶萬和堂○午時勤政殿受賀左

右月臺銅爐焚白檀香

陳賀儀

掖庭署設 御座於勤政殿北壁南向設 寶案於座前

近東 教書案於寶案之南香案二於殿外左右掌樂院

展軒懸於殿庭近南北向設協律郎舉麾位於西階上近

西東向典儀設宗親及文官一品以下位於 殿庭道東武

官一品以下位於道西俱每等異位重行北向相對為首
監察位於文武每品班末東西相向階上典儀位於東階
上近東西向左右通禮及階下典儀宣教官展教官宣
箋目官宣箋官展箋官代致詞官位於東階下俱近東西
向贊儀引儀在南差退又贊儀引儀位於西階下近西東
向俱北上宗親文武百官外位於勤政門外東西如常是
日鼓初嚴兵曹勒諸衛陳鹵簿儀仗於正階及殿庭東西
勤政門內外列軍士弁如式司僕寺正進輿於閣外陳
輿輦於殿庭中途小輿在北御馬於中途左右仗馬於
文武樓南隆文樓典儀設教書開讀位於殿階上近

東西向禮曹正郎設致詞箋文禮物案於殿階上致詞案在左箋
文禮物案在右宗親文武百官各服其服四品以上朝服五品以
禮曹正郎以箋函置於龍亭仗鼓吹前導入至勤政門
鼓吹止書吏西人肫對舉箋函正郎引陞自東階置於案
近侍及諸護衛之官司禁各服其服俱詣閣外伺候鼓二
嚴引儀分引宗親文武百官俱就門外位左通禮詣閣外
跪啓中嚴殿下具遠遊冠絳紗袍御思政殿繖扇侍衛
如常儀近侍及執事官先行四拜禮如常典樂帥工人入
就位協律郎入就位鼓三嚴執事官先就位引儀分引宗
親文武三品以下由日華門月華門入就位鼓聲止闕內

外門左通禮跪啓外辦 殿下乘輿以出繖扇侍衛如常
儀 殿下將出仗動鼓吹振作將入殿門協律郎跪俯伏舉
麾興樂作鼓吹止左右通禮前導至降輿所左通禮跪啓
請降輿 殿下降輿左通禮跪啓請執圭近侍跪進圭
殿下執圭陞座爐煙升尚瑞院官奉 寶置於案繖扇侍
衛如常儀協律郎跪偃麾俯伏興樂止諸護衛之官入列
於 御座之後及 殿內東西次承旨分入 殿內東西俯伏
史官在其後司禁分立 殿階上引儀分引宗親文武二
品以上由日華門月華門入跪位典儀曰四拜贊儀唱鞠
躬四拜興平身宗親文武百官鞠躬樂作四拜興平身樂代

致詞官陞自西偏階進當 座前俯伏跪贊儀唱跪宗親
文武百官跪代致詞官致詞云議政具官臣某等云、賀
訖俯伏興降復位贊儀唱俯伏興四拜興平身宗親文武
百官俯伏興樂作四拜興平身樂止宣 教官陞自東偏階就位
傳 教官承進當 座前俯伏跪啓傳 教俯伏興由東門出
詣宣 教官之北展 教官二負服公對舉 教書案隨之傳 教官
取 教書授宣 教官宣 教官跪受以授展 教官展 教官跪受
立對展 傳 教官臨階西向立稱有 教贊儀唱跪宗親文武
百官跪傳 教官還侍位宣 教官宣訖俯伏興退復位展 教
官以 教書置於案俯伏興退贊儀唱俯伏興四拜興平身

宗親文武百官俯伏興樂四拜興平身樂贊儀唱跪搯笏

三叩頭宗親文武百官跪搯笏三叩頭贊儀唱山呼宗親

文武百官拱手加額曰千歲唱山呼曰千歲唱再山呼曰

千歲凡呼千歲樂工軍校齊聲應之贊儀唱出笏俯伏興四拜興平身

宗親文武百官出笏俯伏興樂四拜興平身樂贊儀二

負公對舉箋案由東門入置於座前俯伏興宣箋目

官陞自西偏階入詣箋案南俯伏跪展箋官跪取箋目

對展宣箋目官宣訖俯伏興降復位展箋官以箋目

還置於案俯伏初宣箋目將軍宣箋官陞自西偏階入

詣箋案南俯伏跪展箋官跪取箋對展贊儀唱跪宗

親文武百官跪宣箋官宣訖俯伏興降復位贊儀唱俯

伏興平身宗親文武百官俯伏興平身典儀陞自西偏階

詣殿階上當中俯伏跪啓禮物請付攸司俯伏興降復

位左通禮陞自西偏階進當座前俯伏跪啓禮畢贊儀亦唱

協律郎跪俯伏舉麾興樂作殿下降座左通禮跪啓請

釋圭殿下釋圭近侍跪受圭左通禮跪啓請乘輿殿

下乘輿繼扇侍衛如來儀將出殿門鼓吹振作協律郎跪

偃麾俯伏興樂止左右通禮導殿下還思政殿鼓吹止

引儀分引宗親文武百官權退左右通禮跪啓解嚴兵曹

承教放仗

大玉大妃殿百官陳賀儀

大玉大妃殿

九

中官殿傳

典儀設宗親文武百官位於勤政殿庭道分東西如常
 設尚傳位於百官位之北近東西向設致詞箋文禮物
 案於殿階上設宗親文武百官外位於勤政門外如常
 承文院官奉致詞函禮曹正郎奉箋文函濟用監奉禮
 物函各置於案大殿陳賀訖引儀分引宗親文武百官
 仍以朝服四品以上朝服五品以下黑團領入就位尚傳以黑團領出就
 位贊儀唱鞠躬四拜興平身宗親文武百官鞠躬四拜興
 平身贊儀唱跪宗親文武百官跪代致詞官進北向跪致
 詞云議政具官臣某等云賀訖以致詞還置於函承文

院官捧致詞函跪進于議政前議政受函以授尚傳尚傳
 進跪受函以授司謁以入贊儀唱俯伏興平身宗親文武
 百官俯伏興平身尚傳出復位贊儀唱鞠躬四拜興平身
 宗親文武百官鞠躬四拜興平身尚傳退引儀分引宗親
 文武百官權退

王大妃殿大妃殿中官殿同

京外封進大殿箋文頭辭曰職臣姓名恭遇同治六年
 十一月十六日法殿竣役大庭騰賀邦基增鞏區宇
 胥驩此誠我東方萬億年無疆之休臣不勝慶忭之至謹
 奉箋補賀者臣某誠歡誠忭稽首上言伏以云云恭

惟主上殿下云云伏念臣云云臣無任望天仰聖
激切屏營之至謹奉箋補賀以聞大年朔月日隨其封進
日書填某職臣姓名謹上箋以此封進為白字旒

前時仁政殿受賀雖有文東武西之別而品秩相雜
無序至是日憲史考察不失鵠行東西文武官秩並循
序而列濟之鎔之殿宇則丹青鮮明上下石欄等級嚴
整倚歎古昔盛時制度復觀於今日矣

頌教文

王若曰一日建萬年基宏休篤棊十月受長樂賀明命誕
敷大和會四方民咸聽予一人誥蓋聞聖人達孝克

紹祖宗永圖有恤之宮時修實維周公孫莊公子彼
咀之岐天作粵自太王荒文王康歷服靈長創業垂統
為可繼規模弘遠受休圖功曷不終在今予小子初元
嗣有先神后令緒付國民粵厥疆土溯玉跡而艱難勤
垣墉惟其墜茨矐玉基而休揚昔聖祖作新大邑伊宸
居有景福宮面引慶而背華山天地中間正是好先
宗廟後居室棟宇上下蓋取諸禎祥已兆於百年必有
王者興也制度實倣於三代無令後世加之提舉司管
轄莫嚴須一體於官府奉化伯箴規斯寓標諸額於堂皇
由來聖之相承茲焉玉之并受盛大之業至矣

累洽重熙顧眄之光燁然存神過化 固萬世神明之所
佑倘一時氣數之有闕 禳玄冥祈四壙其在中古飾白
盛刊九陞無復舊時 太液波澄儲香之風雲猶護上林
榭老靈光之歲月幾多 久為邦人之咨嗟豈無天運之
來復 自穆陵旋蹕以後繕修之功未遑延 英廟陳賀
于茲陟降之靈如在 顧丕責乃有堂構即舊地俾立室
家 寧考常留睿謨其承厥志 太母爰降懿旨惟斷乃成
黃襪翊冲洛汭之獻圖及卜倉輅相宅楚邱之風駕命
官 詢一邦而卿士大同等百堵而妣祖似續 抑奢崇
儉有所受於先君諸社發祥式克至於今日 所助者信

忤丕烈之篤前不台自來苑犀情之向上 遵成法而考
輪徑拓嘉址而尋城平 六寢交聯掌司士掌朝士九閭
洞闢立臯門立應門 鳳質龍章穆衡斗於原廟鷄鳴鶴
駕爛星海於戴儲 宿儒當處深嚴漢有秘省唐有鑿掖
禁街必資澄肅衛以更署周以鈎陳 斯為仍舊而比觀
抑亦因時而損益 興禮之改門弭義在別嬪修政之勅
殿名志切願治 鎮昆明而松頰老石陳元英而蒲牢洪
鐘 嘉乃民力之咸勤與焉帝居之仰福 既奠我 皇
祖基業當法乎 刊聖治謨 浚苑教畊重農務本西序養
老合語乞言 典學資顧問之才玉署芟卷梓刑樞好生

之德實臣錄曰 欽敬簡儀緬推步於象緯抑戎無逸宛
書揭於燕淵 雖舊維新匪棘欲適迨來孝自今伊始曰
厥基永孚于休 薦太室而祇率厥章揚大庭而誕告用
靈 溘祥雲於紫闥光臨五殿之鑿興動歡雷於彤墀聲
隨千官之鈞珮 流暄晞而襲慶矣止刑措不用四十年
飛澳汗而推慈其令赦書日行五百里自本月十六日昧
爽以前除謀反大逆謀叛子孫謀殺毆罵祖父母父母妻
妾謀殺夫奴婢謀殺主謀故殺人魘魅盡毒關係 國家
綱常贓汙強竊盜雜犯死罪外徒流以下封處安置充軍
已至配所未至配所已發覺未發覺已決正未決正咸宥

除之敢以宥旨前事相告言者以其罪亡之在官者各加
一資亡窮者代加於戲近景鑠於恒月升日煥閭澤於解
雨翼風 萬戶千門次第開天時人事九疇五福用敷錫
皇極君民 故茲教示想宜知悉

陳質後入侍時領府事鄭元春所啓重修宮殿 臨御受
賀績盛業於堂構亟舉三百年未遑之典奠丕基於恭磐
允副億兆民祈頌之誠歡聲協氣洋溢區宇此誠千一之
會也攢頌祚祝曷有其極是殿扁名即勤政也 列聖相
傳之心法在是萬世太平之治道在是符夏禹之克勤懋
周文之無逸而治法教令之發於事者即政也政之本民

事是也。八域民庶之賴以為生者，即九重仁心之施以為政也。一事為一動靜之際，體天視聽，從民好惡，視萬里如階，前保小民如赤子，凡於省徭薄賦，振匭恤窮之政，朝夕施日以勤，則景貺潛周，福祿綿長。此周家宅洛之初，召公以誠小民為祈永命之本也。敢以是獻。惟聖明懋哉奉朝賀，金輿根所啓，此闕重建垂三百年未遑之事也。今工役幾至告竣，臨法殿度朝賀，臣民慶忭之忱，何可盡述。仍伏念刑聖朝臨御此闕，聖繼神承，重熙累洽，治法政謨，可以匹美三代。今此殿宇重新，如古昔盛際矣。治法政謨，亦當克體刑聖之德，敬天愛民，勤學好問，一事

為一政。今每寓羹牆之義，蓋軫堂構之業，是可謂善繼而善述。攢祝之餘，敢此仰陳，伏願懋哉。領敷寧金左根所啓此闕，即我太祖宅洛之基中葉，以浚未遑修治，垂三百年矣。今我聖上冲年嗣服，勵精圖理，慨然以堂構為心，龜稽而惟斷，子來而庶就，物采一新，重門洞開，神光俊氣，儼若偃武修文之初，猗歟盛矣。勤政正衙，聖人南面之所也。一動一靜，光明正大，摠自殿下一心上出來，原萬化而應萬事，可不慎哉。伏願殿下孝以及人，仁以為政，無逸無怠，率由舊章。臨殿而顧，名思義，予以紹創業，垂統之盛德大業，則三階泰平，高拱可致，多福多慶，子孫克昌。

萬億歷年又卜于今日矣惟 殿下澄省為判府事趙斗
淳所啓盤庚先武俱有中興盛烈而遷于殷未復耿邑之
道都于洛不遑未央之治我 殿下統其舊而新其謀赫
然為四方之極其與宅師定鼎之初矣異之有哉我
太祖創業垂統於此 刊祖十二聖制禮樂持盈成於此
惟 聖明動法之祖宗於千萬年誕啓繼繩之休所謂由
百世而等百世也名公之告成王曰惟恭奉幣用供王能
祈天永命臣何敢役于茲我惟以是為 聖明誦之祝之
領議政金炳學所啓惟我 聖上拊宅中圖大之業造邦
舊命新之基宸居告成法殿受質鉅典緝禮載舉於二

百七十六年之後天人之所以頓信 祖宗之所以悅豫
嘉祥并湊善頌交騰蹈舞歡抃之忱大小同情而耿之愚
衷則竊有所感激蘄祝者矣夫斯殿實我 刊聖朝嚮明
出治之所也發號施令於是為由良法美規於茲焉在以
啓我萬億年無疆之休令 殿下紹復而興起之臣不敢
知 殿下將何修而比先王觀亦將何施而答臣民顛仰
之望也乎 聖王御世之至德要道其惟曰勤而已法殿
之名以勤政其意寔惟在斯大舜之聖焉而尚有無怠之
戒大禹之聖焉而必稱克勤之美鷄鳴而起孽之為善一
饋十起以勞天下其勤有如此焉文王咸和萬民日昃不

違食故曰無逸知文王之勤立政知文王之逸無逸一篇
即周公戒成王之書而敘述文王之勤於為政台公亦以
夙夜罔或不勤為戒此所以人君之德莫尚乎勤者也伏
願 殿下念先王有道之長體上天自強不息造次須臾
之頃毋忘此義奮發志慮措諸事為是臣區區之望判府
事柳厚祚所啓令此景福宮重建之役實 刑聖朝屢百
年未遑之典而猗我 殿下嗣服之初薦述肯構之業洪
基再奠正衙告成諏吉 臨御緝儀誕舉匝域慶抃滿庭
瑞舞萬億年無疆之福實基於此伏不勝區區之攢祝之至
上曰正衙告成亦既受質目下先務安民是耳諸大臣

所陳又此懇摯當造次服膺矣

傳曰營建都監都提調以下賜餼

傳曰都承旨馳詣天漢殿奉審以來

傳曰陳質時禮房承旨李勉愚左右通禮宣教官并加資

李勉愚嘉善○左通禮李奎夏右通禮李亮信
宣教官分兵曹正郎申獻求并通政

傳曰營建都監都提調以下自今日至遷宮日別省記

傳曰副司果金禹銖李基周百官加親授

吏曹草記副司果金禹銖雖已資窮未經準職何以為之

事 傳曰勿拘

傳曰明日出宮門結以思政門為之

柑製設揚故
有此傳教

禮曹草記法宮重建朝野均歡既已祇告 廟社頒赦八
方設科取士自是應行之事今番廢科以何科設行而何
間推擇乎 傳曰除初試庭試待明春設行
又草記在前除初試庭試時有即日放榜之例亦有擇日
放榜之例今番則何以為之事 傳曰擇日放榜
又草記二十七除初試庭試今日官推擇則戊辰三月十
一日放榜同月二十日英時為吉云以此日時定行事
傳曰知道

傳曰營建役所工匠令營建都監乾槁饋逆厚分給
本都監啓曰工匠乾槁饋逆厚分給事 命下矣工匠一

千二十六名每名錢二錢擔募軍一千二十九名每名錢
一錢貳合錢三百十二兩分給事 傳曰知道○
正時擊光化東扶門樓大鼓至人定時擊西扶門樓大鐘
以起街鐘器漏時亦如之蓋勤政殿以南三門之樓各有
所設勤政門樓則以軒樂興禮門樓則以更點○光化門
樓上層庥樑懸玉燈達夜燃燈
各色工匠擔募軍已見草記

十七日晴

傳曰遷官再明日為之該房知悉

政院啓曰時原任大臣宗正卿原任閣臣儒臣為承 候

來待矣 傳曰入侍

辰時 上御勤政殿相製設場命官領議政金炳學落點

璿題賦勤政殿成 命取百人

傳曰別雲劔兵檢府堂上堂上閣臣儒臣入侍承旨堂上對讀官并讀券官加差下堂下儒臣并對讀官加差下使之分考

傳曰相製賦居首三下一幼學趙在斗之次三下幼學洪祐冀并直赴殿試之次草三下幼學趙頌文等三人直赴會試之次次上幼學李萬秀等十人并給二分之次上幼學林性麻等十人并給一分之次上幼學李宜相等

七十五人各奎章全額一件賜給

自陳賀頒令之後八路之士不召自來有如赴舉之時柑製雖隔日設行而至於殿庭不能容幾滿興禮門內

傳曰入格儒生明日崇陽門外施賞

都承旨金輔鉉所啓 勤政殿上座時光化門一體開門

事繼有 下教定式矣今日 殿座時光化正門不即開

門以致 下詢事甚未安當該兵曹判書金壽推考何如

上曰依為之○又西曆金序漢之云在十九日

傳曰關內各處入直軍兵令各其營饋粥

來待矣 傳曰入侍

辰時 上御勤政殿相製設場命官領議政金炳學落點

璿題賦勤政殿成 命取百人

傳曰別雲鈞兵檢府堂上堂上閣臣儒臣入侍承旨堂上對讀官并讀券官加差下堂下儒臣并對讀官加差下使之分考

傳曰相製賦居首三下一幼學趙在斗之次三下幼學洪祐冀并直赴殿試之次草三下幼學趙頌文等三人直赴會試之次次上幼學李萬秀等十人并給二分之次上幼學林性麻等十人并給一分之次上幼學李宜相等

七十五人各奎章全額一件賜給

自陳賀頒令之後八路之士不召自來有如赴舉之時柑製雖隔日設行而至於殿庭不能容幾滿興禮門內

傳曰入格儒生明日崇陽門外施賞

都承旨金輔鉉所啓 勤政殿二座時光化門一體開門

事綴有 下教定式矣今日 殿座時光化正門不即開

門以致 下詢事甚未安當該兵曹判書金壽推考何如

傳曰闕內各處入直軍兵令各其營饋粥

各色工匠九百名 擔募軍五百七十名

十八日晴

傳曰諸承旨持公事八侍、時兩司諸臺并牌招事榻前定奪

傳曰思政殿台對為之承旨金聲根閔臣鄭範朝王壹李昌鎬趙廷燮假注書李元用史官

趙秉鎬徐奭輔

傳曰營建都監都提調以下同為八侍自都提調至○入

侍時判府事趙斗淳曰營建之役以始事時所見言之便是不日之成而臨御講對至承旨等賜接之命甚感舉也况列聖朝於是殿史乘流傳之古事最多如掌檄承

旨之冬夜召見東來經史之訓義皆是也天下事不慮則不獲思政二字即定名時深且遠之意也懋哉領議政金

炳學曰祖宗朝悠久之福祿宏遠之規模復觀於今日

歡欣踴抃八域同情日前陳賀後臣等猥陳芻蕘之說

批教若曰目下先務安民是耳大哉王言實不勝欽誦

萬、今又召對有命臨殿開講夫勤講學治亂得失之

所領會實為安民之本以此日臨講之聖心推之於政

令事為之間則太平萬世亶不外是懋哉、上曰大

臣之言若是懇摯當體念矣

傳曰明日出宮門路以崇陽門為之○自動駕以浚連

日日温天清夜又月色照耀城底居民連夜鼓吹蹈舞巡
牆遊樂

各色工匠九百十四名 擔募軍四百三十八名

本都監所捧錢三百兩

仁川伴沈
樂正所納

十九日晴

以司謁口傳 下教曰日不甚寒遠宮後即為更役期於
明春內告畢事分付營建都監

傳曰正衙告成矣子來之誠民力既多廣慶軍患中外且
均令承 慈教都下市民徭役泮人懸房贖依大慶時例
除減各道民人之各營各司戊辰條身役代錢蠲蕩給代

之方以度支新鑄錢中題給以示眷之意分付廟堂措
辭行會

都承旨金輔鉉啓曰金宗漢之置呈試券極為駭然為先
拔去何如 上曰依為之 領議政金炳學所啓金宗漢
之置呈試券揆以士習極為駭然雖已拔去不可仍置令
秋曹照律勘處何如 上曰宜有如許士習予從重嚴勘
可也

刑曹草記罪人金宗漢慶尚道金山郡違遠充軍定配事

傳曰知道

大殿英時 各殿午時遠宮

各色工匠九百十四名 擔募軍四百三十八名

二十日晴

更始木石之役各司與行閣修葺之未畢者亦皆畢之

各色工匠一千三百八十三名 擔募軍一千九百五十二名

本都監所捧錢五百兩 春川勿學全 鍵一兩約

二十一日飛雪

禮曹內治石假家移設於迎秋門外彰義宮內蓋以改建
三軍府也

各色工匠一千二百九十名 擔募軍一千四百九十名

二十二日晴

關隸安府營建所用各樣治鍊材木蓋覆所入草花數甚
夥多前此措備已經夏秋盡為破碎不可不趁今買未熟
後可免沾濕之患故給價買取次別定差人下送商買輩
延拖不納之習與諸般弊端隨該差人所告各別禁斷以
為斯速買取及期入用事

各色工匠一千九百六十名 擔募軍二千三百八十五名

二十三日晴

關完營即接御營移文則以為營建所用方鐵限十萬斤
給價買來次監官李恭煥更為下送于道內全州扶安等
地而設店處諸般為弊之端各別禁斷各店未收鐵與店

主換用錢一依該監官所告星火督捧一體上納之意向有所闕飭矣于今幾朔尚無動靜更加嚴飭以為斯速舉行之地見今鐵物入用萬分時急前次措備用盡無餘茲以發關到即三懸鈴操飭兩邑以為日夜運來

各色工匠一千一百八十名 擔募軍一千六百八十四名

二十四日晴

闕豐德府營建所用石灰隨其煮取日夜運來然後可免大役狼貝而牛馬雇貫與執船之際稱以當百錢有所難便百計謀避或頑拒恃惡以致輸運之停止云豈有如許民習乎當百錢事前後 朝令果何如各邑場市無碍通

用而惟獨本府各洞各浦如是相持事甚痛駭茲以發關到即各洞各浦頭民等處各別嚴飭以為斯速運來事

闕寧越府令此營建時冶爐所用白炭數甚夥多以京山如干埋炭果難繼用故定差人下送于寧越地給價買炭令將運來而本府浦口處在突裏舟楫往來絕罕未由執船勢將以私養山所在木斫取造船然後方可運來以完大役茲以發關到即許斫之意申明知委

各色工匠一千三百五十名 擔募軍二千五十七名

二十五日晴

闕東營令此營建時各殿堂與各處行閣修葺所入木物

數甚夥多前次措備用盡無餘故道內麟蹄寧越兩邑私
養山所在木中可合入用者限二百介已為斫置今方運
來次定差人下送到即無滯出給以為日夜運來

各色工匠一千三百七十八名 擔募軍二千五十七名

本都監所捧錢二千五百兩

春川勿寧南
世昌所納

二十六日晴

閱畿營即見灰契貢人所訢則以為營建所用石灰實納
次道內坡州泉峴面居民等處出給價錢使之煑灰矣近
處奸偽輩敢生充慾之計補以渠之禁卷處百般沮戲甚
至有收稅之舉又或符同潛賣莫重國役所需未免狼貝

特為完文成給無至侵漁之地茲以發閱嚴飭該牧各別
禁斷以為專意舉行之地事所志以收稅事年前 朝飭
何等截嚴而因念法義私自收稅萬口痛惡所當嚴處矣
姑付令申之意茲以發閱到即措辭嚴飭於該牧另加痛
禁無至大段生梗之弊

各色工匠一千三百二十四名 擔募軍二千一百八十三名

二十七日晴

各色工匠一千二百二十八名 擔募軍二千七百六名

二十八日晴

閱畿營營建所用石灰實取次道內南陽府實利面梅花

洞居金盂吉處出給價錢矣延拖不納故查問委折則分
給各人尚多未捧以致懲納之境云矣莫重公貨看作尋
常惟意乾沒萬口痛駭茲以發開金盂吉擬致官庭未納
諸漢一查覈另加嚴飭陸續輸納事

辰時 璿源殿立柱

各色工匠一千三百二十七名 擔募軍二千二百四十二名

本都監所捧錢三百五十兩 金海居崔
永達所納

二十九日晴

關鎮撫營本營倉庫營建所入不等五十株體未五十株
樓柱二百株輸送相考捧上田移以為憑考之地

關積城縣今此營建時冶爐所用白炭實來次本縣居炭
高李元植處出給價錢矣未納炭為七百五十八石而延
拖不納以致冶役之停撤故茲以發開擬致官庭另加嚴
飭令月念內盡數輸納以牛馬雇貫與執船等節有所難
便眼同勤幹將校這上董飭以為斯速運來

各色工匠一千二百六十九名 擔募軍二千九百四十八名

本都監所捧錢三百兩 淮陽伴沈
宜絢所納

三十日晴

傳曰璿源續譜粵在 先朝已有成命而居然八載今始
竣後俯仰感慕安所止扁泝凡一百有二卷為三百五十

銀潢鐵樹長遠矣碩茂矣本支百世之美子孫千億之盛實為今古罕有之事也此不可無示意之舉宗科依除初試庭試例明春擇日設行當親臨宗府矣以此意預先知委

禮曹草記宗科文武科庭試吉日今日官推擇則來三月十七日放榜四月初三日辰時為吉云以此日時定行事傳曰知道

傳曰璿派後孫之通譜修系一根千枝萬派同源此為盛

功

Handwritten notes in vertical columns, including characters like '宗', '府', '親', '臨', '宗', '府', '矣', '以此', '意', '預', '先', '知', '委'.

以後
相同

血脉矣行列之各派不同未知有何所據而甚非所以親九族之義應字以下必為同定雖文蔭武進身之人并改名事分付宗府吏曹至於他姓依此例改定實亦各家悖叙之道一體舉行此傳教成原三月初二日下

傳曰今番宗科親臨宗親府時門路以先化門建春門為

之

此三傳教同三月初四日下

禮曹草記今三月二十日親臨宗親府宗科庭試取

時天漢殿展謁之節依例磨鍊以入事傳曰知道同上

各色工匠一千六百十名擔募軍二千五百五十二名

本都監所捧葉錢二千兩錦伯閱致庫所納

本都監草記十一月朔本都監所捧各人願納錢為六萬四千七百三十六兩矣別成母子一件以入事 傳曰知道

各色工匠合

擔募軍合

十二月

初一日晴

傳曰景福宮役所工匠令營建都監乾槁饋

本都監草記工匠乾槁饋事 命下矣工匠二千四百九

十一名每名錢一錢 擔募軍三千二百八名每名錢五分

式合錢三百三兩五分 給事 傳曰知道

各色工匠擔募軍 見草記

本都監所捧錢一百兩 金井察訪安宗九所納

初二日晴

移文戶曹勤政門口樓軒架樂器風物及排設房所在五峰屏修補所入物種後錄移文依此會減 樂器風物所

入紅方紬十四尺六寸 冒緞六寸又長二尺五寸廣四

寸三分 黃廣織六寸 紅黑有紋紗各二尺五寸

草綠鶯滋紬長四尺六寸廣五寸一分又長六尺廣五

寸一分 五色真絲二斤十兩 雉尾羽三百介 加

莫金五個 廣頭釘一百個 甘佐非丁具四十個以
上鐵物繕工監五峰屏修補所入草綠十兩紬四十四
尺 紫的十兩紬五尺三寸 紅十兩紬十一尺五寸
又半骨四尺 白十兩紬十六尺三寸 白禾花紬十
四尺 鴉青布一百八十一尺 大好紙一卷八張庫
在草注紙一卷十六張 楮注紙五卷十六張 烟窓
紙十五張

各色工匠一千二百四十六名 擔募軍一千三百二十三名

本都監所捧錢三千二百兩 巖伯李參鉉業錢三千兩
楊根伴朴宗永二百兩

初三日晴

各色工匠一千二百五名 擔募軍二千二百十二名

本都監所捧錢二千兩 寧邊伴趙
義復所納

初四日晴

關加平郡令此營建時諸處行閣所入椽木大半不足以
本郡南面李花洞各宮禁養火巢內所在無論松真木隨
所存斫取次別定幹事人下送而到即無滯斫之意向
有所閑飭矣即聞所告則官村全事玩愒稱以雇價之當
百錢有所難便尚未斫一株木云豈有如許道理乎雖尋
常所用閑飭之下固不當若是今此營建所需何等重大
而視若弁髦揆以事體萬一駭然茲以發閑到即別定勤

幹將校出送伐木所各別董飭日夜舉行

各色工匠一千二百二十九名 擔募軍二千二百九十六名

初五日晴

各色工匠一千二百四十名 擔募軍二千三百六十二名

本都監所捧錢五百兩

水原副護軍宋恭王所納五次

初六日陰夜大雪

春桂坊修基

各色工匠一千一百二十七名 擔募軍二千四十七名

初七日晴

丑時璿源殿上樑亦以銀錢六分同入樑中告祀所陳布

木各十疋米太各一石當百錢一兩其他與諸殿同獻官

訓將申觀浩 讀上樑文官副司果洪遠植司香官禮

曹正郎尹時榮禮曹佐郎劉學洙執事儀賓都事洪祐鼎

長興奉事李淵翼

璿源殿上樑文

伏以周洛邑之重營圖卜以獻宋景靈之虔安金玉其相

日表穆臨虹樑載屹 昔 先后肇初 璿殿卽 刊

朝崇奉 御真 體貌與 太室并尊黼座天近 晬容

如衡斗高揭衣冠月遊 誠寓三朝有餘禮而有餘敬孝

興一國如事生而如事存 是為繼述之教功詎曰成毀

之在數 經始重舉於東闕僊延慕於羹墻位真再增於
西榮儼繼序於宸宇 允邁周三后配命莫盛殷六聖作
君 猗 肅祖惇典盡倫望如雲而就如日惟 元陵久
道成化蟠乎地而極乎天 式昭麟經尊華之謨載颺龜
疇建極之治 逮 正考誕啓 純考若文王篤生武王 奉
昔日祖依孫之音嵬乎功侔而德配符聖祖父傳子之統
允矣情稱而禮宜 暨翼考協于重華亦 憲宗舉乃彝
訓 理萬幾而代聽尚謳歌於八域兆民配 兩宗而延陞
宛氣象於一堂 三聖 矧茲簾陛之密通蓋為晨夕之瞻
依 譬時雨化之前王於戲不忘雖虛雲寂若聖人所存

者神 龍樓畫對越之誠陟降有赫虹節奉薦殷之禮咫尺不違 依然鄉黨畫一篇愀如清廟瑟三歎恭惟 主
上殿下承我宗社御于家邦 漢兆橫庚甬受命旼章土
宇蕪謨翼子若作室惟勤垣墉 樹先業而永念艱難瞻
舊宮而爰講修舉 卑夏禹室非忽克禋之規考周宣宮
亦為中興之烈 先王之志克卒可以此觀 太母之訓敬
遵務存節損 斯于之百堵皆作續妣祖而芋躋長樂之
十月始成會羣臣而朝賀 茲當 宸居之重逮聿舉神御
之奉移 尋尺占文昭舊基神理無遠規撫按 昌德前制
力役胥勤 地不改而楚臬可尋古有今有民曰樂而岐

鼓相勸輪焉與焉 神禎赫臨瞻紅雲之捧玉皇靈恍豫
况翠華之移鑿 標金榜之新楣煥 璿源之舊廟 麓角
聳清讌之北星方定中閣道聯交泰之東地近大內 龍
姿鳳質觀耿光於穆之皇之鳥革翬飛播新頌桂枝之實
之 載筮棟隆之吉庸贊脩禱之勞 兒郎偉拋樑東寶座
新開瑞靄紅 衛道崇儒留訓戎日星昭揭照無窮 拋
樑西五夜星文復聚奎 寤寐風泉先志繼三皇未饗一
壇齊 拋樑南紫閣天晴積翠舍 二十四年功化跡至
今明月萬川涵 拋樑北聖生庚戌綏宗國 試看環域
萬臣民揔是深仁休養息 拋樑上祥雲一朵長相傍

承華養德 聖勞分重四歌成明作兩 拋樑下碧瓦如珠
玉露瀉 法我三宗寶鑑成丕揚王孝編周雅伏願上樑
之後盛德形容善頌苞茂 前聖後聖一揆 寶軸護日
月光華君子孝子萬年 玉殿與天地悠久 駿命新而祇
承心法鴻休迓而崇降福祥 崇祿大夫行龍驤衛上護
軍兼奎章閣提學臣全學性制不進 折衝將軍行龍驤衛
副護軍 奎章閣檢校侍教知製教臣鄭範朝奉 教謹書 同
治六年丁卯十二月初七日丑時
各色工匠一千八十五名 擔募軍一千九百二十名

初八日晴

移文戶曹 勤政殿架梁所入銅絲引絲時不用滓熟銅
一百斤輸送相考捧上事

移文禮曹即接訓局移文則以為營建所用木石輸運車
子管輪所入槐木用盡無餘以 思陵局內所在限七株
斫取入用次知委 本陵云係是緊急所需茲以移文到
即無滯許斫之意知委 本陵事

各色工匠一千六十九名 擔募軍二千四十八名

初九日晴

中宮殿閣差備修基

各色工匠一千十八名 擔募軍二千四十八名

初十日晴

各色工匠一千一百三十七名 擔募軍一千八百五十九名

本都監所捧錢五百兩

抱川知學徐
相健所納

十一日晴

閱廣州府令此營建時冶爐所用白炭前次措備用盡無
餘本府清溪山榭木茂密多有可合理炭之木云故定差
人下送到即無滯許斫以為及時入用之地

各色工匠一千一百十四名 擔募軍一千七百九十八名

十二日晴

各色工匠一千一百二十二名 擔募軍一千七百九十九名

本都監所捧錢一百兩

振威作趙 龍夏所納

璿沁人願納錢四十兩

前府使李圭夏十兩 副護軍李鍾鳳前宣傳李容十兩

景漢 十兩

十三日微雨

各色工匠一千九十六名

擔募軍一千六百四十一名

十四日微雨

閑安城郡即接紙屢市民等所訶則以為營建時各殿堂以下諸處行閣塗楹所入白紙浮取進排次下去本郡紙所令方浮出而紙匠輩因念所重少或遷延則莫重所用未免狼貝特為發閑別般董飭以為斯速舉行之地云矣

係是緊急所需不可任置茲以發閑到即該洞三所任及紙匠等處別般董飭諸般為弊之端一依京差人所告這禁斷事

各色工匠一千七十九名

擔募軍一千三百九十二名

十五日雪

各色工匠一千四十七名

擔募軍一千四百八十五名

本都監所捧錢一千兩內菜錢五百兩

西原伴南 鍾鶴所納

十六日飄雪

各色工匠一千一百十一名

擔募軍一千六百十三名

璿沁人願納錢一百兩

丑青幼學李 大京所納

十七日晴

次對時領揆金炳學所奏 正衙營建三百年未遑之事也今其不日之成允邁昔周盛時 五聖之法御誕臨萬年之景祿維新歡忭羣情日久而日益功矣至若小民身役之 特命蠲蕩此是曠古一有之盛德至渥瞻聆所及盡在春風和氣之中而第念匠募木石之費無一不出於吾民則兀厥安民之方莫省費若也雖以各司各差備處所言之苟或開廣其基址增益其間架則此不容不更用民力藉曰趨事赴工斷不出于來之誠 朝家為民之道則恐合存商且日後修葺之役亦不無經用難繼之患

夫民安則國安民不安則國不安此其常理然而百姓足君誰與不足百姓不足君誰與足竊為 殿下誦之伏願體大堯之土階法神禹之卑宮一切無益不急之舉務從省約則此誠生民之福 國家之幸懋哉懋哉 上曰所陳甚切實卿亦申飭于營建都監可也○訓將申觀浩所奏 闕內掃雪令龍虎營全管舉行事

各色工匠一千一百二十名

擔募軍一千五百二十四名

本都監所捧錢五百兩

嘉山併金所求所納

十八日晴

先化門外左右修各司朝房基址始末役牌將鄭致弘南

秉元省役

各色工匠一千七名 擔募軍八百七十七名

本都監所捧錢四百兩 牙山 碎金 鳳均 二百兩 仁根川 碎

十九日晴

各色工匠一千二名 擔募軍九百十名

二十日晴

以歲迫停役避鄉匠色計其程途給其行贖前此多已放
昨近畿居生者及擔募之無依歸者雖停役因留赴役

歲饌磨鍊

牌將八十八人各五兩 使令二十二名使喚旗手五

十五名各房軍士六十九名各一兩 捕卒二名各五

錢 各色工匠一千四百二十三名內一千三百六十

九名每名牛肉十斤代錢各二兩兒木手小引鉅等五

十四名每名牛肉五斤代錢各一兩 擔軍二百三十

三名每名牛肉五斤代錢一兩 漢車口夫一百七十

三名單驅車口夫六十名訓局車夫一百五十二名禁

管車夫一百二十三名御營車夫一百二十三名每名

錢二兩合錢為四千八百七十四兩

工匠四百七十四名 擔募軍三百九十四名

二十一日晴

工匠四百七十四名 擔募軍三百七十九名

二十二日晴

工匠四百五十七名 擔募軍三百六十八名

二十三日晴

工匠四百五十名 擔募軍三百六十八名

本都監所捧錢一千二百兩

累真壹叔刷錢一千一百兩
菜錢○平陵察訪金飽瑞一

兩百

二十四日晴

工匠四百五十七名 擔募軍三百七十一名

本都監所捧錢二百兩

星州勿學鄭
右厦所納

二十五日晴

工匠四百六十名 擔募軍三百七十四名

本都監所捧錢三千兩

江陵前監役
金漢大所納

二十六日晴

工匠四百六十三名 擔募軍三百七十六名

本都監所捧錢五百兩

南陽民
人所納

二十七日晴

本都監草記監造官洪淳肯令既陞六其代以繕工奉事

曹秉直差下事 傳曰允

工匠四百二十四名 擔募軍三百六十八名

本都監所捧錢六兩三錢

二十八日晴

工匠四百二十五名 擔募軍三百六十八名

本都監所捧錢二千五百兩 舒川件全聲豹五百兩內菜

用昇一千兩○永柔件洪元鍾
一千兩內菜錢五百兩

二十九日晴

工匠三百九十六名 擔募軍三百六十八名

本都監所捧錢三百兩 南陽件全度根二百兩○安山
件南世本一百兩內菜三十兩

璿派人願納錢五百兩 宣川件李周興
所納再次

三十日晴

工匠六百九十三名 擔募軍六百三十八名

本都監草記十二月朔本都監所捧各人願納錢為一萬

六千八百六兩三錢 璿派人願納錢自丁卯十一月十

二日至十二月二十九日合一千六百六十兩矣別成冊

子二件以入事 傳曰知道

各色工匠合

擔募軍合

